

Službeni glasnik BiH, broj 13/13

Na osnovu člana 61. Zakona o upravi ("Službeni glasnik BiH", br. 32/02 i 102/09), člana 38. Zakona o ličnoj karti državljana Bosne i Hercegovine ("Službeni glasnik BiH", br. 32/01, 16/02, 32/07, 53/07, 56/08 i 18/12), a u vezi sa Informacijom o sistemu elektronske lične karte, vozačke dozvole i sistemu izrade i personalizacije elektronskih ličnih karata i vozačkih dozvola, usvojenoj na 28. sjednici Vijeća ministara Bosne i Hercegovine, održanoj 28. novembra 2012. godine, ministar civilnih poslova donosi

ODLUKU

O POČETKU IZDAVANJA ELEKTRONSKE LIČNE KARTE

Član 1. (Predmet Odluke)

Odlukom o početku izdavanja elektronske lične karte (u daljem tekstu: Odluka), određuju se datum od kojeg se počinje izdavati elektronska lična karta i obaveze nadležnih organa.

Član 2. (Datum početka izdavanja)

Odlukom se određuje da izdavanje elektronske lične karte počinje od 01. marta 2013. godine.

Član 3. (Zaduženje nadležnog organa za personalizaciju)

Zadužuje se Agencija za identifikacione dokumente, evidenciju i razmjenu podataka BiH da sve zahtjeve zaprimljene od strane nadležnih organa za izdavanje lične karte personalizuje ličnim podacima u obrascu lične karte sa elektronskim memorijskim elementom, počevši od 01. marta 2013. godine u 07:00 sati.

Član 4. (Zaduženje organa nadležnih za izdavanje ličnih karata)

Organi nadležni za izdavanje ličnih karata dužni su provoditi postupke, obradu zahtjeva i evidentiranje podataka za izdavanje ličnih karata sa elektronskim memorijskim elementom - elektronskih ličnih karata, po procedurama kako je to propisano zakonskim i podzakonskim aktima.

Član 5. (Realizacija Odluke)

Za realizaciju ove Odluke zadužuje se Agencija za identifikacione dokumente, evidenciju i razmjenu podataka BiH i organi nadležni za izdavanje ličnih karata.

Član 6.
(Stupanje na snagu)

Ova Odluka stupa na snagu danom donošenja i bit će objavljena u "Službenom glasniku BiH".

Broj 06-30-2-2712/12
06. februara 2013. godine
Sarajevo

Ministar
Mr. **Sredoje Nović**, s. r.